



REPUBLIKA E SHQIPËRISË

**PROKURORIA E PËRGJITHSHME  
SEKTORI I BURIMEVE NJERËZORE**

Nr \_\_\_\_\_ Prot

Tiranë, më \_\_\_\_ .11.2018

**RELACION**

**Mbi verifikimin e plotësisimit të kushteve nga kandidatët për  
anëtarë të Këshillit të Lartë të Prokurorisë**

**Drejtuar: Zonjës Arta MARKU, PROKURORI I PËRGJITHSHËM**

**Nga: SEKTORI I BURIMEVE NJERËZORE**

Pas “Thirrjes për paraqitjen e shprehjes së interesit”, të dates 12.10.2018 të Prokurores së Përgjithshme, në Prokurorisë së Përgjithshme paraqiti kërkesën z. Bujar Sheshi, me detyrë prokuror i Prokurorisë së Apelit për Krimet e Rënda,

Në mbështetje të nenit 109/1 i ligjit 115/2016 “Për organet e qeverisjes së sistemit të drejtësië”, Sektori i Burimeve Nerëzore, ka bërë verifikimin e plotësisimit të kushteve ligjore nga ana e kandidatit prokurorë për Këshillin e Lartë të Prokurorisë dhe konstatoi se:

**- Kushtet që duhet të plotësojnë kandidatët për anëtar të Këshillit të Lartë të Prokurorisë të parashikuara nga neni 105 i ligjit 115/2016 “Për organet e qeverisjes së sistemit të drejtësië”, janë si vijon:**

- a) në kohën e kandidimit, të kenë ushtruar funksionin e prokurorit për të paktën 10 vjet;
- b) në kohën e kandidimit, nuk duhet të jenë drejtues të një zyre prokurorie ose anëtarë të organeve drejtuese të grupeve të interesit, të tilla si shoqata prokurorësh, sindikata prokurorëshetj.;
- c) të jenë vlerësuar të paktën “shumë mirë” në dy vlerësimet e fundit të etikës dhe veprimtarisë profesionale;
- ç) të mos kenë masë disiplinore në fuqi;
- d) të mos kenë qenë dënuar më parë me vendim gjyqësor të formës së prerë për kryerjen e një vepre penale;
- dh) të mos kenë qenë anëtarë, bashkëpunëtorë ose të favorizuar të ish-Sigurimit të Shtetit para 2

korrikut 1991 në kuptimin e ligjit “Për të drejtën e informimit për dokumentet e ish- Sigurimit të Shtetit të Republikës Popullore Socialiste të Shqipërisë”;

e) të mos jenë bashkëpunëtorë, informatorë ose agjentë të shërbimeve sekrete;

ë) në kohën e kandidimit, të mos kenë asnjë anëtar të familjes, sipas kuptimit të ligjit “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”, dhe të aferm të shkallës së parë që është anëtar në detyrë i Këshillit ose kandidat për anëtar.

**-Dokumentacioni që i bashkëlidhet kërkesës për shprehje interesi, në përputhje me nenin 108 të ligjit 115/2016 “Për organet e qeverisjes së sistemit të drejtësisë”, është si vijon:**

a) jetëshkrimin e përditësuar;

b) deklaratat individuale të prokurorëve që i kanë mbështetur, të nënshkuara rregullisht;

c) formularin e vetëdeklarimit, sipas kërkesave të ligjit “Për garantimin e integritetit të personave që zgjidhen, emërohen ose ushtrojnë funksione publike”;

ç) një platformë personale të qëllimeve dhe objektivave që propozojnë të ndjekin në qoftë se zgjidhen;

d) një deklaratë individuale të nënshkuar, përkundrejt përgjegjësisë ligjore, që nuk kanë qenë anëtarë ose bashkëpunëtorë të shërbimeve të inteligjencës përpara 2 korrikut 1991;

dh) një deklaratë individuale të nënshkuar, përkundrejt përgjegjësisë ligjore, se nuk janë bashkëpunëtorë, informatorë ose agjentë të shërbimeve sekrete;

e) informacion mbi të afermit e shkallës së dytë, ungi/emtë, nip/mbesë, gjysh/gjyshe, gjysmë vëlla/motër dhe të afermit e shkallës së parë të bashkëshortit/bashkëjetuesit, prindër, fëmijë dhe vëllezër/motra që ushtrojnë në mënyrë aktive profesionin e avokatit ose janë pronarë ose drejtues ekzekutivë në subjektet ekonomike, të cilat klasifikohen si tatimpagues të mëdhenj nga autoriteti tatimor;

ë) listën e personave të lidhur, sipas kuptimit të ligjit “Për parandalimin e konfliktit të interesave në ushtrimin e funksioneve publike”.

### **Kandidatura e paraqitur në Prokurorinë e Përgjithshme**

Në përputhje me afatin ligjor është depozituar kërkesa për shprehjen e interesit për të kandiduar në Këshillin e Lartë të Prokurorisë, ku dy prej të zgjedhurve duhet të jenë prokurorë të prokurorive pranë gjykatave të apelit dhe pas informacionit të ardhur nga Komisioni i Pavarur i Kualifikimi, mbi ecurinë e procesit të rivlerësimit për prokurorët e listës prioritare, kandidatë për Këshillin e Lartë të Prokurorisë, rezultoj se nga kandidaturat e Prokurorive të Apeleve vetem 1 (një) prokuror ishte konfirmuar në detyrë.

### **Nga Prokuroritë e Apelit**

1. Bujar Sheshi - kërkesë protokolluar me nr. 2442/2, datë 26.10.2018.

### **Verifikimet e kryera nga Komisioni**

- Lidhur me eksperiencën, vlerësimet e punës dhe masat disiplinore u kryen verifikimet e nevojshme nga Sektori i Burimeve Njerezore;
  - Z. Sheshi ka ushtruar funksionin e prokurorit prej 23 vjetesh.
  - Në kohën e kandidimit nuk ushtron funksionin e drejtuesit.

- Nga verifikimi i dosjes personale rezulton se është vlerësuar “ shumë mire” dy vlerësimet e fundit të etikës dhe veprimtarisë profesionale;
  - Nuk ka masa disiplinore në fuqi dhe asnjë masë në karrieren e tij.
- Lidhur me gjendjen gjyqësore të kandidatëve u bënë verifikimet e nevojshme në sistemin e gjendjes gjyqësore që akseson Prokuroria e Përgjithshme, bashkëlidhur dëshmia;
  - Për verifikimin e pikës “dh” “e”, për kushtet, kandidati ka paraqitur deklaratat, dhe nga ana jonë është kërkuar konfirmimi dhe në Autoritetin për Informimin mbi dokumentet e ish-sigurimit të Shtetit”.
  - Nga verifikimi i dokumentacionit që i është bashkëlidhur kërkesës për shprehje interesi, u konstatua se janë dorëzuar, në përputhje me nenin 108 të ligjit 115/2016 “Për organet e qeverisjes së sistemit të drejtësisë”,

### **Përfundime**

Përsa më sipër dhe konfirmimit në detyrën e magjistratit nga Komisioni i Pavarur i Kualifikimit, Sektori i Burimeve Njerëzore arrin në përfundimin se plotëson kushtet ligjore për të kandiduar si anëtar i Këshillit të Lartë të Prokurorisë;

**Zoti BUJAR SHESHI** - Prokuror në Prokurorinë pranë Gjykatës së Apelit për Krimet e Rënda.